

BODO (CODE:092)

CLASS-XII (2017-18)

SECTION-A

READING COMPREHENSION

गाहायाव 1 निफ्राय 3 सिम होनाय सॅथिफोरखौ मोजाडै फराय आरो सॅनाय बादि फिन हो:

1. आंनि गेवस्रानाया सुबुनि जिउ थसेखौ मोनजाफुंनाया साफ्रोमबो मानसिया जिउनि बे गोनां जिरादखौ गावबा गावनि लामार्जो बेखेवस्रानो नागिरो। नाथाय बेनि जाउना एबा बे गेवस्रानायनि जखाया गोबाडैनो जुदा जुदा। आसोलाव बयबो मानसियानो आइननि मेगनाव समान एबा बयनिबो जिवा समानै गोथारा सासे दुथां एबा बिबायारिखौ बुथारब्ला जेसेबां फाब जायो सासे राजखुंगुर एबा गाहाइ मन्त्रीखौ बुथारब्लाबो एसेबां फाब जायो। थेवबो नाथाय बेनि गेजेरावनो गेदेर-उन्दैनि बाश्रायाबो हाबनानै दं। मोनसेल' नडा गोबां आयदायावनो मानसिनि देरसिन-दुयसिनखौ नुयो। देहा आरो गोसोआवबो मानसिया समान नडा। खायसेबा दैत्य असुर बादि गोजौ गेदेर, खायसेबा उन्दै थेफ्रा फ्रा, खायसेबा द्दामैनो गियानि, खायसेबा साननो रोडै थौले गोसोनि। खायसेबा लहा बादि गोरा गोगोम गोसोनि, खायसेबा थलं थफं लोरबां गोसोनि। देहा आरो गोसोनि बेफोर जुदाथिया मानसिनि गेजेराव गाहाय-गोजौ, गेदेर-उन्दै लाबोदों। बे जुदाथिनि जाउना बेनो दि थांना थानायनि जुजिलायनायाव खायसेबा गावनि थांखिफोरखौ मालायनिखुइ सिगां मोनहैग्रोयो, खायसेबा मालायफोरनिखुइ बांसिन आरो साबसिन खामानि मावनो हागौ, जायनि थाखाय बिसोर मुंदांखा जायो।

4x1=4

क) सुबुडा जिउ मोनसेयाव देरहासारनोब्ला मा जानांगोन?

i.मानसिनि 'आं' आ गेवस्रानांगोन

ii.मानसिनि 'नों' आ गेवस्रानांगोन

iii.मानसिनि 'बि' आ गेवस्रानांगोन

ख) सोरनि मेगनाव बयबो मानसियानो समान?

i.मानसिनि मेगनाव

ii.समाजनि मेगनाव

iii.आइननि मेगनाव

ग) मानसिया मा मा बिथिडावबो समान नडा होनना बुंनाय जादों?

i.गोसो आरो देहा

ii.गोसो आरो महर

iii.गोसो आरो सावस्रि

घ) मानसिनि गेजेराव फारागखौ माया लाबोदों?

i.मेगन आरो नोजोरनि फारागथिया

ii.साननाय आरो मावनायनि फारागथिया

iii.गोसो आरो देहानि फारागथिया

2. गराइजों दावहा नांनय मुगानि सोमोन्दै लिंकेला हायनागोनां रावे जैरे फोरमायलांदों क्रिमियानि दावहाखौबो दाबो बे रावे बाख्नायजायो। नाथाय आथिखालनि दावहाया थारैनो जुदाथारसै। बे बाश्राया नंखाय नडा। दासिमहालागै ओरै बादि सान्त्रि गाहाइफोर दं जाय गोदोनि आखुवैनो दावहायाव बोकदात जिउ गारो, नाथाय बिसोरखौ गोनांथार होनना साननाय जालिया। सासेल' निउक्लियार बेसाद बिगियानियानो गोबां दिभिजन फाइखि हान्जानि बांद्रायबावसो। आथिखालनि गोदानसिन बिगियानखौ बाहायनायनि अनगायैबो दावहायाव देरहानायनि गाहाइ राहायाबो बोकदात सान्त्रि हान्जा नडा, नाथाय गिलिर उद्यगसो। पार्ल हारबारनि उनाव आमेरिका जथाइ हादरनि जाफुसारनायखौ साननायै नाया जापाना दिन्थिनाय जोहोलाव आखु रावबो हारिया दिन्थिफेराखै नाथाय बिसोर आमेरिकानि उद्यगफोर दिहुननाय मुवाफोरजों गेजेन जानांदों। आथिखालनि हारिफ्रा दावहायाव देरहानोब्ला सान्त्रि हान्जानि थुलुंगाखौ नागिरालाबानो इस्पात, थाव आरो इउरेनियामसो नागिरनांगासिनो। आथिखालनि दावहाया दासिमबो गोदोनि बिगियान जौगाखाडै मुगानि दावहाफोर बादि बाराद्राय जिउ फोजोबसांग्रा जायाखै। मानोना, हाथियारफोरनि बुथारलु आखुखौ मुलि आरो देहा बिगियाननि जौगाखांनाया बुथुवा खालामनानै दोनदों

$$4 \times 1 = 4$$

क) आथिखालनि दावहाया जुदाथारसै होनना बे खोन्दोआव बुंनयनि जाहोना मा?

i.मानोना, आथिखालाव दावहा नांनो गोबां सान्त्रि हान्जा नांगौ

ii.सासे निउक्लियार बेसाद बिगियानियानो गोबां सान्त्रि हान्जानि खामानि मावो

iii.गोबां गराइजों नांग्रा दावहारु नांगौ जायो

ख) आथिखालाव दावहायाव सोरखौ गोनांथि गोनां होनना साननाय जालिया?

i.गिख' दावहारुफोरखौ

ii.बोकदात दावहा नांना जिउ होग्राफोरखौ

iii.निउक्लियार बेसादजों दावहा होग्राफोरखौ

ग) आथिखालाव दावहायाव देरहानायनि गाहाय राहाया मा होननायै बुंदों?

i. बोकदात सान्त्रि हान्जा

ii. सिलाइ-कामान आरो बायदि हाथियार

iii. गिलिर उद्यग

घ) दावहायाव हाथियारफोरनि मानसि बुथारनो हानाय गोहोखौ माया कम खालामनानै दोनदों?

i. गिलिर उद्यगा

ii. देहा-बिगियाननि जौगानाया

iii. सानश्रिफोरनि बोकदात गोसोआ

3. दोहोनि आरो निखावरि-बे मोननै सारिनि मानसिफोरनि अराय जुजिलायनायखौ नुनानै कार्ल मार्क्सा बुहुमनि रांखान्थिखौ बेसादनि आखुजॉल' बिजिरदोंमोन, इसोरनि महर एबा दोहोरोमखौ बियो सिमान जायाखैमोन। अब्ला फारसेथिडै गुबुन सानसुमै मानसिफ्रा अदोहोरोमनि गोमोथाव बुहुमनि दुलाराय सुबुं हारिनि गेजेराव गुलाय गुजाय फैजानो गिदोंमोन आरो दाबो गियो। बुहुमनि मुंदांखा साइकलजिष्ट फ्रयेदा जेब्ला गोरलै गथ'नि आखुवावबो सेक्सनि इसारा नुनायनि बाश्रा बुडो, अब्ला लामा सामा मानसिफोरजों मुजुजायो, सेन्देल-जुथाजों खुबैजायो। नाथाय दानि मुगायाव फ्रयेदनि बाश्राखौ मानिनानै लानायाव रावहाबो अजद गैलिया। बेयो सैथोनि देरहानाय-फ्रयेदनि देरहानाया बे बाश्राखौ बुडोब्ला जागोन दि मेगनजों नुनानै फोथायनो हाथावथाव फोथायहोनो हायोब्ला फोथायनाय आरो गिनायनि थाखाय बेफोर बादि दुखु-दाहा, साजा कष्ट मोननाया जेरैब्लाबो जानो हाया। नाथाय बेखौबो जों सिमान जायाब्ला राहा गैया दि, मेगनजों नुनानै फोथायनो हाथावथाव फोरमान होनो हायै सैथोबो दं जायखौ नेवसियोब्ला दुलाराय सुबुं हारियानो दुखु-दाहा, खैदां-खैफोद सैनाडो।

4x1=4

क) कार्ल मार्क्षा सोरमोन?

i. सासे राजखान्थिगिरि आरो सानथौगिरि

ii. सासे रांखान्थिगिरि आरो सानथौगिरि

iii. सासे रांखान्थिगिरि आरो फोरोंगिरि

ख) फ्रयेदा गोरलै गथ'नि आखुवाव सेक्सनि इसारा दं होननाय बाश्राखौ मानसिफोरा मानो फोथायनो गोब्राब मोनदोंमोन?

i. मानोना बे बाश्राया हारि बेरेखामोन

ii. बे बाश्राया गनायथाव थाव नंथारामोन

iii. फ्रयेदखौ बयबो फाग्ला होनना सानदोंमोन

ग) फ्रयेदनि गोरलै गथ'नि आखुवावबो सेक्सनि इसारा दं होननाय बाश्राखौ उनावहाय गनायना लानाय बाश्राया मानि देरहानाय होनना रायथायाव बुंनाय जादों?

i. गोसोनि देरहानाय

ii. सैथोनि देरहानाय

iii. आथोननि देरहानाय

घ) बहुमाव गुबुन मा रोखोमनि सैथोबो दं?

i. मेगनजों नुना फोरमान मोननो हानाय

ii. मेगनजों नुयै फोरमान होनो हायै

iii. मेगनजों नुना गोसोजों फोथायै

4. गाहायाव होनाय दफाखौ फरायनानै बेनि गुबै आयदाखौ गावनि रावजों लिरा 5

मानसिनि गाराडा इसोरनि दान नाथाय रावा मानसिनि दानाया गथ'वा देरनायनि लोगो लोगो रावखौबो सोलेंनो हमो आरो मानसिफोरनि गेजेराव गावनि गोसोनि साननायखौ बेखेवनानै होयो। उन्दै माहारि बादि नखरसेखौ लानानै गेदेर माहारि राष्ट्रसंघसिम रावखौ बाहायनो नांथारगौ। रावा माहारि दानायनि मोनसे एंगारथावै मुवा। रावजों माहारि एबा हारि मोनसेनि हारिमुनि जेसेबां लानाय-जानाय जिरादफोरनि मुं होनाय जायो। बेनिखायनो रावजों हारिमुवा लोगोसे। रावा गोसोनि साननायखौनो खिन्थायो।

5. गाहायनि खन्थाइ सिरिफोरखौ फरायना सोंनाय लेखा फिन लिरः

3x1=3

बुं दैखौ रुबला दैया बहा थाड

अन्थाइजं अन्थाइ बुजाबब्ला अर जड

अन्थायाव अर दड बेखौ छर बुंन?

आं जेरावब बइनावब थादं

नाथाय आंखौ छर नुन

छर आंखौ सानछ हाना

जेबो आंनावन उजिदं आंनावन गमरदं।

छरखौ मुगैन छरखौ दनन

बइब आंन, आंन बइब

नंन बइब, बइब नंन

रायजआन साछे, साछेयान रायज

क) अन्थायाव अर दड बेखौ छर बुंन? -होननाय बाभ्राखौ मार्जो रुजुना बुंनाय जादों?

ख) आं जेरावब बइनावब थादं-होनना बुंनाय खन्थाइ सारिनि 'आं' आ सोर?

ग) रायजआन साछे, साछेयान रायज होनना खन्थायाव मा फोरमायनो नागिरदों?

SECTION-B

WRITING SKILLS

6. “दाइना-दाइनि बुथारनाय खामानिया सोलेंथाइ गैथै आरो दावगानो हाथै समाजावसो आथिखालाव जागासिनो दां” -बे बिबुंथिनि मदद होननै एबा बेरेखा
खालामननै नोंनि साननायखौ फोरमाया(मोन 150 सोदोबनि गेजेराव)

10

7. नोंसोरनि जायगायाव एबा बहुमाव जानाय जायखिजाया मोनसे जाथायखौ रादाब बिलायाव फोसावनो हाथाव महैरै लिरना आरो फोसावनो खावलायना
गाहाइ सुजुगिरिनिस्मि गांसे लाइजाम लिरा 10

SECTION-C

GRAMMAR APPLICATION

8. बर' रावनि बां सानराइ दिन्थिग्रा दाजाबदाया मोनबेसे आरो मा मा? मोनफ्रोमबो दाजाबदाखौ बाहायननै मोननै मोननै सोदोबनि बिदिन्थि लिरा
2+3=5

9. सोदोब माखौ बुडो? बर' रावनि सोदोबखौ मा मा राहाजों दानो हायो मोनफा मोनफा बिदिन्थि होना लिरा

2+3=5

10. जानो मोनब्ला हाथाइ नांगायो।-बे बाभ्रा फावनि ओथिखौ गुवरै फोरमायना लिरा 5

11. गाहायाव होनाय सोंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें। गेबें फिनखौ सायख'ना
लिरा 10x1=10

क) -दों उनदाजाबदाया गाहायनि बबे मोनसे सोदोबजों दाजाबजायोब्ला गेबें ओथि फोरमायगोन?

i.मानसि

ii.दाउ

iii.दाव

ख) -सिन उन दाजाबदाखौ मा ओथि फोरमायनो बाहायनाय जायो?

i.मोनसे ओथि फोरमायनो

ii.सानैनि गेजेराव रुजुनाय दिन्थिनो

iii.गोबानि गेजेराव रुजुनाय दिन्थिनो

ग)-सोर उनदाजाबदाखौ गाहायनि बबे मोनसे सोदोबजों बाहायनाय जाया?

i.गाव

ii.मा

iii.बि

घ)गाहायाव होनायफोरनि बबे मोनसे खान्थिया बर'फोरनि सोदोब दानाय खान्थिनि गेजेराव गोलैया?

i.होनजाब सोदोब आरो दाजाब सोदोब

ii.जथाइ सोदोब

iii.मुंमा सोदोब

ङ)बि- सिगां दाजाबदा बाहायनानै दाजानाय गाहायनि बबे मोनसे सोदोबा गेबें लिर?

i.बिबार

ii.बिथां

iii.बिसोर

च) 'खांदान' सोदोबाव '-दान' जों मा ओथि फोरमायनाय जादों?

i.दासो

ii.दानो

iii. दाहालागै

छ) गावथार सोदोबाव थार महरा मा ओथि फोरमायदों?

i. फोथै

ii. गोथै

iii. गोथां

ज) सैमा सॅनाया अरनो रोडा अखा खोरोमनाया हानो रोडा-नि ओथिया-

i. बाराद्राय बुंग्रा मानसिया गुबै हाबायाव उदायनाय

ii. बाराद्राय बुंग्रा मानसिया गुबै हाबायाव नांथाबनाय

iii. बाराद्राय बुंग्रा मानसिया गुबै हाबायाव उदायै

झ) हास्राव हाया हानु जाया-नि ओथिया-

i. गात्रि आखुवा मोजां जाफिनै

ii. गुबै मुस्रिखौ मिथिनो बारा गोबाव नाडै

iii. थगायनो सानब्लाबो थगायनो हायै

ञ) जकथाव थाव अदला खुंनाय-नि ओथिया

i. गुबै हाबा मावनाय

ii. हाबा मावालासे जिरायना थानाय

iii. लेडाय हाबा मावफानाय

SECTION-D

LITERATURE

12. A Collection of Kachari Folk Tales and Rhymes मुंनि बिजाबनि रावा मा आरो बेयाव मा हांखो बाहायनाय जादोंमोन?

बे बिजाबाव सोफानाय दोंद' सल'बाथानि मुं लिरा 2+3=5

13. गाहायाव होनाय सोंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें। गेबें फिनखौ सायख'ना लिरा $10 \times 1 = 10$

क) 1983 मायथायाव ओंखारनाय बिहुराम बर'नि गांसे बिजाबनि मुडा-

- i. आसारबा
- ii. गिबि बिथाय
- iii. गदाय बिथाय

ख) गोनोखोआरि गोसो माबोरै दानो हायो रायथाइनि गुबै लिरगिरिया-

- i. बिरुपाक्ष गिरि बसुमातारी
- ii. ड⁰ दीनेश चन्द्र ग'स्वामी
- iii. ड⁰ कामेश्वर ब्रह्म

ग)फिसा सिथर आरो गेदेर सिथरा मानिक्राय सोमजियो?

- i. फांगासनिक्राय
- ii. भाइरासनिक्राय
- iii. जिउसनिक्राय

घ)गाहायनि बबे गांसे लाइसिखौ प्रम'द चन्द्र ब्रह्मवा सुजुवाखै?

- i. अखाफोर
- ii. अलंबार
- iii. हाथखि-हाला

ड)रनेन्द्र नारायण बसुमतारी सुजुनाय लाइसियाव ओंखारनाय प्रम'द चन्द्र ब्रह्मनि दोंसे रायथाइनि मुडा-

- i. फाग्लि
- ii. सोरबा
- iii. दाउ संबायनाय

च)थाइ आहमफोरा आसामाव बबे मायथाइयाव हाबफैदोमोन?

i. 1228

ii. 1328

iii. 1428

छ) रोनसोन्द्रिखौ “कालीमाता” होनना सोर बुंलांदों?

i. ड⁰ बानीकान्त काकती

ii. ड⁰ सुनीति कुमार चेटार्जी

iii. उपेन्द्र चन्द्र गुह

ज) बराक दैमाया बोहैलांनानै उनाव मा दोंनै दैमा जाहैदों?

i. बराक आरो सुरमा

ii. बराक आरो कुसियारा

iii. कुसियारा आरो सुरमा

झ)मोन 108 शिबनि मुसुखा दाननायखौ बबे जायगायाव मोनो?

i. आन्नामालाइ सेरनि चिदबम-रामाव

ii. काञ्चीपुरमाव

iii. श्रीपेरामबुदुराव

ञ) सश्रावलि देखोखौ माब्ला दामो?

i. चैत्र दाननि जोबथा हरनि फुंसि समाव

ii. बैसाग दाननि जोबथा हरनि फुंसि समाव

iii. पुष दाननि जोबथा हरनि फुंसि समाव

14. सम बेसम खन्थाइनि गेजेरजों खन्थाइगिरिया मा फोरमायनो नागिरदों?

15. गाहायाव होनाय सोंथिफोरनि मोनफ्रोमावबो मोनथामै जाथावना फिन होनाय जादों। बेफोरनि गेजेराव बबेबा मोनसेयाल' गेबें गेबें फिनखौ सायख'ना
लिरा 5x1=5

क) प्रम'द चन्द्र ब्रह्मनि मोनसे लाखोमानाय मुडा मा?

i. रंदिनी फाग्लि

ii. बिक्रम

iii. प्रमथेश

ख)सम फैब्ला आंबो थंगोन- होनना खन्थाइगिरिया फोरमायदों-

i. थैब्ला

ii. गोसो जाब्ला

iii. फु जाब्ला

घ)कालाहान्दिया भारतनि बबे राइजोआव दं?

i. अडिशा

ii. सोनाब बंग'

iii. तेलंगाना

ङ)दानो दाबाव दखना होनना खन्थाइगिरिया खन्थाइनि गेजेरजों मा फोरमायनो नागिरदों?

i. रंजा-बाजा जोबबोनायखौ फोरमायदों

ii. खौसेथि जोबबोनायखौ फोरमायदों

iii. गाननाय-जोमनाय जोबबोनायखौ फोरमायदों

16. फोरोंगिरिफोरा मोन 150 सो सोदोब थानाय मोनसे दफा फरायसाफोरनो खोनासंना लिरहोनांगोना
5

17. फोरोंगिरिफोरा साफ्रोम गथ'खौ माबा मोनसे आयदानि सायाव बिबुंथि लाखिनो होनांगोना 5
